


**B** **L** **m** **a** **i** **n** **e** **r** **S** **T** **a** **t**

Laybach New Reformierte Gerichts

17793

Ordnung.



Bedruckt in der Fürstlichen  
Hauptstatt Gräs/ Bey Ernst Widman-  
setters sel: Erben.

ANNO M. DC. XXXVIII.

Im Jahr 1773

Vertrag zwischen Preussen und Russland

Artikel 1

1773



Vertrag zwischen Preussen und Russland  
Artikel 1

ANNO M. DC. XXXVIII

(N=038004062)



Nr Carl von Gottes Gnaden/ Erzhertzog zu Oesterreich/ Hertzog zu Burgundi/ Steyr/ Kärndten/ Crain vnd Württemberg/ &c. Grafe zu Tyrol vnd Görz/ &c. Bekennen vnd thun kuntt mä-

niglichen/ Nach dem Uns die Ersamen Weisen/ Vnsere getrewen lieben R: Burgermeister/ Richter vnd Rath/ Vnserer Statt Laybach/ vnderthäniglichen angelangt/ Ihnen ein fürgebrachte Statt: vnd Gerichts-Ordnung zubestatten/ vnd zu Confirmiern. Daß Wir demnach solche Ordnung nicht allein ersehen/ vnd der nothturfft nach corrigiern: Sondern auch mit Vnserm darauff gedruckten Insigel gnädigist verfertigen vnd bekräftigen lassen. Wie dieselb hernach von Wort zu Wort also laut.

## Der Statt Laybach Gerichts Ordnung.

### Von ordenlichem Gericht.



Nmit mäniglich/ der etwas mit Rechte zu suechen hat/ oder zuersuechen befugt seyn vermaint/ sich zu richten vnd zuverhalten wisse/ So solle allwegen von vierzeihen zu vierzeihen Tag/ ein ordenlicher Gerichtstag gehalten/ vnd an solchen Tagen gar nichts anders/ als die Handlung/ die sich in ordenlichen Rechten/ nach dem Stattgebrauch zu rechtfertigen gebühren/ fürgenommen vnd gehandelt werden.

# Von zeitlicher erscheinung zum Rechten.

**L** S sollen die jenigen/ so in Rechten zuthun haben/ zeitlich auff das Rathhaus erscheinen/ als im Fruehling vnd Sommer vmb sechs/ aber im Herbst vnd Winter vmb siblen Uhr/ wer vmb solche Zeit nicht zugegen wäre/ vnd etwa auß vnachtsambkeit/ oder vngeshorsamb/ nicht erscheint/ sondern straffmessig aussen bleibt/ sich auch weder mit Gottes Gewalt/ Kranckheiten/ Gewässer/ oder andern erheblichen Ursachen/ vnd ver hinderungen/ nit genuegsamb zu entschuldigen/ so solle auß seines Gegenthails (es seye Klager oder Beklagter) anrueffen ergehen/ was recht ist/ vnd hernacher den andern Thail/ ob er gleich fürkame/ denselben Tag ferter zu procediern, nit mehr gestattet werden.

## Von Klagen.

**W** Elcher vmb ichtes zu klagen hat/ oder zu klagen vorhabens ist/ es sey vmb was Sachen es wölle/ der solle zuvor seinen Gegenthail güetlich ersuchen/ oder beschicken/ vmb das jenige/ darumben er zu klagen willens/ begehren/ kan er das ohne Recht nit bekommen/ So mag er alsdann mit der Klag wol verfahren/ vnd soll ihme darüber alle Gerichtliche außrichtung erfolgen.

## Wie die Klagen beschehen sollen.

**I** Mb ein jede Hauptsach/ so absonderliche Handlungen/ vnd eine der andern nit anhängig/ solt man besonder klagen/ wer aber mehr dann ein Hauptsach in ainer Klag beehrte/ dem mag der Gegenthail die Tag sellen vnd abnemmen/ doch solle in den Schuldbriefen/ die eingeleibte Summa vnd Interesse, jederzeit ein Hauptsach gerait/ vnd zuwerhütung vnnotwendiges/ auch den Partheyen vnerschwingliches Vnkostens/ in ein Klag eingeleibt/ vnd

vnd Inferiert, gleichsfals/ wo etliche Verhaben/ also auch Mann vnd Weib zugleich in ainer verschreibung begriffen/ vnd einkommen/ nit absonderlich/ sonder neben einander/ in einer Citation vermeldt/ geklagt/ fürnehmlichen in Verhabschaffts handlungen/ den anwesenden Verhaben, auff die einkomme Klag/ zu verhüetung der Pupillen vnnotwendigen Vnkostens/ vnd ferzer erweiterung/ die Verantwortung zuthun/ auffgelegt werden.

Wer zu ainem/der in der Statt oder Burgkfrid gessen/ vmb Haus/ Hof/ Gründe vnd Böden/ oder sonst ligende Güter/ zusprechen hat/ obwol bisshero in demselben zu vier Tagen geklagt worden/ Weil aber zu Zeiten die Hauptsach an ihr selbst nit so groß/ auch in ansehung des schweren Vnkostens/ vnd deren frembden ausländischen Personen/ Damit die Partheyen auch desto ehunder zu Recht kommen/ solle man hinfüro zu dreyen Tagen/ allwegen von ainem ordenlichen Rechtstag zu dem andern/ Nemblichen den ersten/ andern/ dann den dritten vnd endthafften Tag/ klagen.

Vmb varende Haab/ baar Gelt/ Brieffliche Brkunden/ Schulden/ vnd sonst andere Varnuß/ wie das genandt/ darumben kein Schein/ oder Brieffliche Brkunden verhanden seyn/ soll man von wegen der darundter fürlauffenden beweisungen/ vnd andern ver hinderungen/ auch zu dreyen Tagen/ allwegen von ainem ordenlichen Rechtstag zu dem andern/ von vierzeihen zu vierzeihen Tagen/ als den ersten/ andern vnd dritten endthafften Tag/ klagen.

Auff gefertigte Schuldbrieff/ Neurathbrieff/ Vertrág/ vnd andere gefertigte Brieffliche Brkunden/ darinnen ainer vmb ichtes verbunden ist/ klagt man zu zweyen Tagen/ den ersten/ dann zu den nechsten ordenlichen Rechten/ den andern vnd endthafften Tag.

Was die Klagen vmb Ehrhändel/ Scheldt. vnd Schmach/ wort/ vnd dergleichen/ belangt/ weil sich dasselb Laster bey den Gerichten/ vnder den Partheyen/ heufflich einreißt/ vnd in schwung geht/ die sollen/ damit man desto ehe widerumb Ainigkeit machen/ auch die jenigen/ die es in dergleichen Fällen verschulden/ Andern zum Exempel straffen/ vnd dardurch nicht allein das leichtfertig Schelten/ so schier allenthalben oberhandt genomen/ sonder auch das ander vngübürliche verleumbden/ süeglich abstellen möge/ Nur

zu zweyen Tagen/ das ist den ersten/ vnd darnach zu den nechsten ordenlichen Rechts Tag/ den andern vnd endhafften Tag beschehen/ doch mag ein Richter/ von Amptswegen/ zwischen den gemainen Leuthen/ was etwo die Scheltwort/ auß ainen vbrigen Wein/ oder sonst herfließend/ zu verhütung vbriges Vnkostens/ der Policcy nach/ wie von alters hero/ Summariter darinnen richten.

Wil aber jemand ainen/ der nit in der Statt oder Burgkfrid/ sondern aufferhalb/ doch im Landt gessen/ vmb Sachen/ die er vor dem Stattgericht allhie/ zuwerfchten schuldig/ vnd für die Statt/ Obrigkeit zu decediren gebüren/ klagen/ So solle den Beklagten das erste mal vier Wochen/ für den andern Tag/ vnd wo es nit der ehenthaffte Tag ist/ hernacher für ainen jeden/ der andern Tag/ bis zu den ehenthafften/ allwegen von vierzehnen zu vierzehnen Tag/ ain Tag erthailt werden/ Wann nun jemand mit ainer Klag das erste mal fürkombt/ vnd man ihne darüber deß Rechtens fragt/ solle er seinen Rechtsatz/ in denen Klagen/ die zu dreihen Tagen beschehen/ also thun: Man verschaffe mit dem Beklagten/ daß er ihne Klager zwischen jetzt/ vnd den nechsten ordenlichen Gerichtstag/ vnklaghafft macht/ Wo er das nit thut/ so werde ihme Beklagten/ zu dem nechsten Rechtstag/ der ander Tag erthailt/ vnd man gebe dem Klager dessen Ladung vnd Gerichts Zeugbrieff.

Was aber die Außländer belangt/ da derselben ainer/ wie obsteht/ vmb Sachen/ so vor dem Stattgericht allhie zu decediern gebüren/ beklagt wirdet/ Soll dem Beklagten das erste mal vierzehnen Wochen/ für den andern Tag benennt/ vnd wo es nit der ehenthaffte Tag ist/ Hernach mit ainem jeden der andern Tag/ bis zu dem ehenthafften/ wie oben vermeldt/ gehalten vnd gehandelt werden.

Aber in denen Klagen/ die auff den andern vnd ehenthafften Tag beschehen/ solle der Klager den Rechtsatz also thun: Man verschaffe mit dem Beklagten/ daß er den Klager zwischen jetzt vnd nechsten Gerichtstag/ vnklaghafft mache/ Wo er daß nit thut/ so werde ihme Beklagten zu dem nechsten Rechten/ der ander vnd ehenthaffte Tag erthailt/ vnd man gebe ihme Klager dessen Ladung vnd Zeugbrieff.

# Von Ladungen.

Nach beschehner Klag/ solle Klager vmb fürderliche Fertigung der Citation oder Ladung/ anhalten/ vnd dieselb hernacher dem Beklagten zu seiner nachrichtung zeitlich/ vnd so er in der Statt/ auff das allerwenigist acht oder neun Tag/ Da aber der Beklagte außserhalb der Statt/ doch im Landt/ vierzeihen Tag. Denen aber/ so außserhalb Landts gessen/ acht Wochen/ vor dem andern Rechtstag in sein Behausung/ oder an das Orth/ da er wohnhafft/ oberantworten lassen. Da aber Jemand die Ladung länger verhielte/ vnd solches durch dem Beklagten hernacher dargebracht wurde/ Solle der Beklagte darauff zu antworten nit schuldig/ sonder der Klager sein Klag zuvernewern/ vnd dem Beklagten ain andere Ladung zeitlich zuzuschicken/ verbunden seyn.

Es solle aber vnder dreyszig Gulden Keinisch/ kain Ladung/ auff die so in der Statt wohnen/ gefertigt/ sonder die Sachen/ so weniger vnd darundter antreffen/ durch den Herrn Stattrichter verabschiedt/ Da sich aber Jemand seines Abschieds beschwärt gedunckt/ vnd den Handl für ainem Ersamen Raht bringen wolte/ der mag es thun/ vnd sollen dergleichen Handlungen nit an denen ordenlichen Gerichtstagen/ sonder an denen andern Freytägen/ die zwischen ermeldten ordenlichen Gerichtstagen seynd/ fürgenommen vnd erörtert werden.

Also auch die von Laybach bedacht seyn/ an die jenigen Personen/ so ihrer Jurisdiction vnd Gerichtszwang nit vnderworfen/ kain Ladung außgehn zu lassen.

# Von Waigerung der Ladung.

So Jemand für sich selbst/ oder sein Hausgesind/ die Ladung anzunehmen sich verwidern wurde/ solle man Ihme dieselb vnder

vnder seinen Haußthor/ oder gleich darfür niederlegen/ Er oder die  
seinigen heben dieselb auff oder nit/ vnd erscheine darüber zum Recht  
oder nit/ solle nichts desto weniger auff des Klagers ordenliche Ver-  
fahung/ beschehen vnd ergehn/ was recht ist.

## Wie die andern Tag sollen geklagt werden.

**W** Ann ainer den ersten Tag klagt/ vnd dem Beklagten die  
Ladung zu Hauß geschickt/ so solle er zum andern Rechtstag/  
widerumb mit seiner Klag ordenlich verfahen. Vnd wann er  
darüber Rechtsens gefragt wird/ wo es nit der ander vnd ehenthafft  
Tag ist/ seinen Rechtsatz also thun: Wosern der Beklagte zugegen/  
vnd mit seiner Antwort verfahit/ daß werde gehört/ Wo nit/ so  
hab er Klager/ heut den andern Tag in Rechten erstanden/ vnd er-  
thaille den Beklagten zu den nechsten Rechtstag/ den dritten vnd  
ehenthafften Tag/ vnd begehrt ihme des Gerichts Zeugbrieff zu  
geben/ Vnd wann Jemand seinen andern oder dritten Tag klagt/  
vnd man ihme dessen ein Gerichts Zeugbrieff erkennt hat/ solle her-  
nacher denselben Tag dem Beklagten/ es sene dann der Klager gegen-  
wärtig/ vnd bewillige darein/ fürzukommen nit gestattet werden.

An denen ehenthafften Tagen aber/ es sene der ander oder  
dritte/ solle der Klager seinen Rechtsatz also thun: Wosern der Be-  
klagte zugegen/ vnd die Klag genuegsamb verantwort/ daß werde  
gehört/ Wo nit/ so verhoffe er Klager/ er habe seine Spruch er-  
standen/ vnd behabt/ begehrt Ihme dessen auch ain behab Brieff  
zuerthailen.

## Von Übergaben.

**W** Ann ainer seiner Sach vnd Handlung Ehehafften halber/  
oder anderer wichtiger Geschäfte willen/ persönlich nit auß-  
warten/ oder beywohnen kündte/ es sene Klager oder Beklagter/ so  
mag



mag er dieselb/ wo es mit Inzucht oder Verleumbdung berührt/ wol  
 ainen andern vbergeben/ vnd desselben vor Gericht gewaltig machen/  
 Vnd der/ so ein Gewalt vbergibt/ oder sonst ein Vbergab thut/ greiffte  
 dem Statt Richter an den Gerichtsstab/ vnd gelobt dem Herrn Bur-  
 germeister in die Hand/ wider solche Vbergab/ vnd gemainer Statt  
 darauff folgende Ferttigung/ nichts zu handeln/ Der aber/ so den  
 Gewalt/ oder Vbergab annimbt/ greiffte auch an den Gerichtsstab/  
 vnd begehrt ihme der beschehnen Vbergab/ ainen Gerichts Zeug-  
 brieff/ zuerthailen vnd zu ferttigen.

Vnd wiewol von Alters herkommen/ auch gebreuchig gewesen/  
 vnd also bey dem Stattgericht erhalten worden/ daß der Klager vnd  
 Antwortter selbst für das Gericht persönlich erscheinen müssen/ Also  
 auch von Klager noch Antwortter kein Vbergab/ ohne Gerichtsstab/  
 angenommen worden/ es seye dann durch ein jede Parthey insonderheit  
 selbst persönlich beschehen/ Weil aber befunden wirdet/ daß allerley  
 beschwerung mit vnderlauffen/ sonderlich/ wañ ein Ausländer/ so vber  
 etlich hundert Meil wegs gefessen/ zu ainem Burger vnd Inwohner  
 allhie/ vmb Schulden oder anders Sprüch/ zusehen vnd zuersuchen  
 hette/ daß Er selbst persönlich gen Laybach zuerscheinen verbunden  
 seyn solte/ dardurch schwere Zehrungen angewendt/ auch desto mehr  
 Vnkosten vnd Expens aufflauffen wurden/ Demnach solle ainem  
 jeden Ausländer/ vnd dem jenigen/ so nicht in der Statt oder Burgk-  
 frid wohnt/ zugelassen seyn/ vnd bevor stehn/ seine Klagsachen durch  
 ordenliche schriftliche genuessamb mit Handtschriffte vnd Pettschaffe  
 geferttigte Gewaltsbrieffe/ bey dem Gericht anhängig zu machen/  
 gleichßfals denen Burgern vnd Inwohnern zu Laybach/ welche  
 beklagt werden/ (dann die Jenige so klagen/ die Vbergaben ein Ge-  
 richtsstab zuthun schuldig) aber ihrer Handthierung vnd Gewerb  
 halber/ persönlich mit zugegen seyn/ vnd die Klag/ so wider Sie be-  
 schehen/ verantworten möchten/ sonder verraisen müsten/ Denselben  
 solle gleichßfals schriftliche Vbergab zuthun erlaubt seyn/ doch mit  
 diser beschaidenheit/ daß hierunder kein Gefahr gebraucht/ auch die  
 jenigen Burger/ so anheimbs in der Statt verbleiben/ doch nit selbst  
 persönlich auff das Rathhaus erscheinen wolten/ sich dessen kaines  
 wegs zubeheiffen/ sonder dieselbigen/ so dahaimbs vnd in der Statt  
 verbleiben/ ihrer Handthierung vnd Gewerb halber nit anderst wohin  
 verraisen/ solien zuerzaigung gebürlicher Gehorsamb/ es sey Klager  
 oder Antwortter/ selbst persönlichen ihren Rechts-handlungen auß-

wartten/ im widrigen fall aber/ wider Sie als die Ungehorsamben  
erkennt/ vnd durch das Gericht mit gebürlicher Straff/ sůrgangen  
werden.

## Von mangl vnd abgang der Redner oder Procuratoren.

**N**ach dem ihr vil vnd zu offtermalen/ nur zu geschlichen Auf-  
zug vnd verlengerung des Rechts/ vngbürliche Ausflucht  
suchen/ sůrnemblichen aber/ sich mit dem entschuldigen/ wie sie  
keine Redner/ die Ihnen ihre notturfft sůrbrächten/ bekommen möch-  
ten/ So ist zu abstellung desselben sůrgesehen/ vnd verordnet/ das  
solche Ausred hinsůro kainen sůrtráglich seyn solle/ sonder wann  
ainer je keinen Redner gehalten/ auch selbst sein Notturfft nit sůr-  
bringen oder reden/ noch jemand's andern darzu erbitten kundte/  
Das man ihme auff sein begehren ainen auß dem Ring verschaffen/  
vnd der/ mit dem es verschafft wirdet/ sich dessen nit verwidern/ son-  
der den Grundt der Sachen/ mit dem kůrhesten/ so er kan/ sůrbrin-  
gen/ vnd es darůber zu Recht setzen solle.

## Von Exceptionen.

**E**s mag ein jeder Beklagter/ zu widersechtung der Klag/ recht-  
messige Exceptionen sůrwenden/ vnd gebrauchen/ doch nur  
auff einmal/ vnd dasselb/ ehe er den Krieg des Rechts bevestigt/  
aber muthwillige Exceptionen, die man offte nur zu behelligung  
des Gerichts vnd der Rechtsachen/ sůrsechlichen verlängerung/ sůr-  
bringt/ sollen nit allein nit gestattet/ sondern die jenigen Partheyen  
als Principalen/ ob Sie selbst zugegen/ vnd solches auß ihren gehais  
beschicht/ sich auch solcher vngbürlichen Exceptionen gebrauchen  
wolten/ darumben gebürlichen gestrafft/ den Procuratoren oder  
Rednern aber/ da Sie es sůr sich selbst thun/ das Procediren am  
Rathhaus/ hinsůro verboten werden.

## Von abfürzung der Reden.

**D**ie Partheyen/ oder derselben Redner/ sollen sich nit langer vnnotwendiger Reden gebrauchen/ noch ein vngerechte Sach oder Meinung/ in ainer Red oft repetiern, sonder sich aller vmbschwaiß/ auch vil repetirens enthalten/ vnd allein den Grund der Sachen/ was zum Handel dienstlich/ auff das fürhest/ so möglich/ fürbringen.

Vnd wann Sie in Exceptionen, oder sonst andern / daß die Termin / Goregierung / Weisung vnd Gegenweisung Artikel belangt/ vnd nit die verfehltung der Hauptsachen betreffen/ fürkommen/ sollen Sie nur mit zweyen Reden (darunder der Klager in Exceptionen die letzte Red solle haben) gegen einander verfahren/ Aber in verfehltung der Hauptsachen/ da der Handel wichtig/ mügen Sie sich dreyer Red gebrauchen / vnd darüber / wann man Sie fragt/ ihren Rechtsatz thun/ vnd ainem als dem andern/ mit mehrer Reden/ als jeko gemeldt/ zuverfahren verbotten seyn.

## Von Einreden vnd verhin- derung im Procediern.

**D**amit auch beede Theil desto schleintiger vnd ordenlicher gegen einander Procediern, vnd mit ihren Reden schliessen mügen/ so solle kainer dem andern in seinem Fürtrag/ ganz vnd gar nichts/ weder mit wenig noch vil Worten einreden/ noch sonst ainige verhin- derung zusüegen/ sonder ein jeder dem andern sein Nothdurfft/ ohne irung/ außreden lassen/ Welcher aber darwider handlete/ der solle/ als oft er dem andern einredt/ oder sonst verhindert/ vnd im Fürtrag irung thut/ allwegen vmb zwainzig Kreuzer/ die er von stundan/ ehe er auß der Rahtstuben gehet/ erlegen solle/ gestrafft/ oder da er das Gelt nit zuerlegen hette/ als bald auff ainem Thurn/ vnd sovill Tag/ als oft er seinen Gegenthail eingeredt/ darauff gehalten/ vnd

ehe er die Straff erlegt/ oder außgestanden/ nichts in der Sach gericht werden/ Doch daß solche Straff allein auff die Principalen selbst/ da Sie es verbrechen/ verstanden/ Gegen den Procuratoren aber/ mit verbietung des Procediren, wie vorgemeldet/ unversichont fůrgangen werden solte.

## Von Weisung vnd Gegenweisung.

**S**o sich ainer sein Klag oder Antwort zubeweisen anmass/ vnd Ihme dasselb durch Kechliche erkandnuß außgelegt wurde/ ist derselb seinen Weisung Artickel in dreyen Tagen/ von der erkandnuß anzuraiten/ zu Gericht zuerlegen schuldig/ derselb solle dem Gegenthail zugestellt werden/ damit er sich darinnen ersehe/ vnd da ers für ein notturfft eracht/ seine Fragstück darüber stelle/ dieselben auch/ nach dem Ihme angehängigten Weisung Artickel/ in dreyen Tagen zu Gericht oberantworte/ Es lege nun der Gegenthail in solcher Zeit Fragstück ein/ oder nicht/ solle nichts desto weniger der Statt Richter ainen Tag zu der Examination benennen/ vnd derselben beeden Thailen/ ob Sie darzu erscheinen/ die Zeugen sehen vnd hören/ schweren wollen oder nit/ verkünden/ vnd auff den bestimbten Tag/ mit Beandig: vnd Examinierung der Zeugen/ wie recht vnd gebreuchig/ fůrgehn. Da ainer aber se in den bestimbten dreyen Tagen/ auß wichtigen Verhinderungen/ nit auffkommen kundte/ soll Er seine Ehehafften bey Gericht in solcher Zeit fürbringen/ vnd da dieselben für erheblich erkendt/ mag Ihme ein ferrier gebürlicher Termin erthailt werden.

Vnd so die Zeugen in der Statt oder Burgkfrid wohnen/ solle der Zeugenführer schuldig seyn/ sein Weisung in den nechst vierzehnen Tagen/ nach einlegung des Weisung Artickels/ zu vollführen. Da die Zeugen aber außserhalb des Burgkfrids auff dem Landt/ solle die Weisung in vier Wochen: Wo aber die Zeugen außser Landts wären/ in vierzehnen Wochen vollführt werden. Da aber Jemandes Zeugen in Burgkfrid hätte/ vnd allein zu ainem fürschlichen Aufzug/

zug/ etliche Zeugen auff dem Landt/ oder auffser Landts/ benennen wolte/ solte Ihme dasselb/ zu verhütung aller Gefähr/ nit gestattet werden.

Nach dem auch manche Parthenen/ in ihrem Gegenthail gefährlicher weiß ainen Anzug thut/ so solle ein Jeder/ der ein Anzug von seinem Gegenthail begehrt/ ainen Ayd für gefähr/ schweren/ Also/ daß Er auß keiner andern/ dann diser Ursachen/ den Anzug von seinem Gegenthail begehre/ die weil Er sonst nirgend kein andere Zeugnuß/ weder von lebendigen Personen/ oder briefflichen Br- kunden haben/ noch erfahren könne/ Wann ainer also den Ayd für gefährde ein benüegen thut/ solle alsdann der ander den Anzug zu laissen auch schuldig seyn/ Doch solle der/ in welchem der Anzug beschicht/ wahl haben/ ehe vnd zuvor/ Er ainen Ayd für gefährde be- gehrt/ den Ayd/ der von Ihme begehrt wurde/ in seinen Gegenthail zu referiren, oder nach dem beschchnen Ayd/ für die Gefährde selbst zu schweren/ Vnd wo dem/ der ainen Anzug von ainem andern be- gehrt/ der Ayd also hinwiderumb referiert vnd vbergeben wurde/ so solle Er denselben statt/ vnd ober seinen WeißArtickel/ seinen leib- lichen Ayd zuthun schuldig seyn/ Wolte Er das nit thun/ so solle der ander von dem jenigen/ was in den Weisung Artickel wider Ihme einkommen/ ledig vnd müßig erkennen werden.

In Gegenweisung solle der Anzug im Gegenthail/ weil es wider Recht were/ daß ainer ober/ oder wider seine gegenfährten Zeugensaag/ schweren solte/ nit statt haben.

Wann nun die Zeugen Examiniert seynd/ mügen die Par- thenen zu dem nechsten ordenlichen Rechtstag darnach/ omb die er- öffnung der Zeugensaag/ anhalten/ vnd Abschriften davon/ auch biß zu den andern Rechtstag bedacht/ begehren/ vnd daß alles solle Ihnen/ wie von Alters her gebreuchig/ bewilligt vnd gegeben werden.

Welcher aber in obbestimbten Termin/ sein Weisung oder Gegenweisung nit vollführte/ denselben solle man (Er bringe dann bewegliche Ursachen vnd Verhinderungen für) ferzer darzu nit lassen/ sonder Ihme dieselb ab: vnd desert erkennen/ vnd darüber ferzer handeln/ was Recht ist.

Da aber die Partheyen/ als sichs offft begibt/ der Weisung/ Artikel halber strittig/ oder sonst auß Ehehafften vnd Verhindernungen des Gerichts/ in vollführung der Weisung gesaumbt wurden/ solle es Ihnen an ihren Rechten kein nachthail bringen/ sonder jederzeit zu ainem jeden ordenlichen Rechtstag fürzukommen/ vnd das/ was ihr Nothdurfft ist/ fürzubringen/ vnd zuvermelden/ bevorstehen.

## Von Behebungen vnd Endbrechungen.

**W**ann ein Kläger seinen endthafften Tag früher Tagszeit klagt/ es sene der ander oder dritte vnd endthaffte Tag/ vnd von dem Beklagten/ solang das Gericht vor Mittag sitzt/ kein Einredt darüber fürkombt/ so hat der Klager alsdann seine Sprüch erstanden/ vnd Ihme solte auff sein begehren dessen/ ein Behabtrieff gefertigt/ vnd der Beklagte noch denselben/ auff die Klag mit ainicher Verantwortung/ ferier nit gehört noch zugelassen werden.

Gleichfalls/ wann der Klager nach Mittag seinen endthafften Tag klagt/ vnd von dem Beklagten/ als lang das Gericht nach Mittag sitzt/ keine Einreden darüber fürkommen/ solle es/ wie obsteht/ verstanden vnd gehalten werden.

Entgegen/ wann ein Beklagter zu ainem endthafften Tag früher Tagszeit fürkäm/ vnd mit seiner Verantwortung zuverfahren begehrete/ der Kläger aber wartete seiner Klag/ zu solchen endthafften Tag/ wie sich gebüret/ ehe vnd zuvor das Gericht vor Mittag auffstünde/ Gleichfalls/ wann ein Beklagter nach Mittag zu ainem endthafften Tag fürkame/ vnd der Klager wartete seiner Klag zu solchen endthafften Tag/ wie sich gebürt/ ehe vnd zuvor das Gericht nach Mittag auffstünde/ nit auß/ so solte der Beklagte auch von der Klag allerdings ledig vnd endbrochen seyn/ vnd Ihme auff sein begehren desselben/ ein gefertigter EndbrechBrieff gegeben/ vnd dem Klager in denselben Sachen/ widerumb zu klagen/ nimmermehr zugelassen werden.

Da aber ein Beklagter vor dem endthafften Tag / zu dem andern Tag / in denen Sachen / so zu dreyen Tagen geklagt wirdet / fürkame / vnd endtbrochen wurde / so solle dieselbig Endtbrechung nur von den Tagen verstanden werden / vnd soll dem Klager bevorstehn / daß Er gegen erlegung des Vnkostens / der dem Beklagten damalen / als er Endtbrochen worden / auffgangen / widerumb von neuen klagen müge / doch daß solches nach der Endtbrechung / inner vnd vor außgang Jahr vnd Tag / beschehe / sonst da Jahr vnd Tag verstreicht / soll es bey der Endtbrechung gänzlich verbleiben / vnd dem Klager hernacher widerumb in derselben Sachen zu klagen / nit mehr gestattet werden.

Ob sich aber zutrüege / daß Jemandts durch Kranckheiten / oder andern Zuständen Unfall dermassen verhindert wurde / daß Ihme zu den Rechten zuerscheinen vnmöglich wäre / vnd dasselb durch ainen glaubwürdigen Schein / oder sonst genuegsamb fürbringen mag / so soll Ihme solche Ehehafft vnd Verhinderung / an seinen Rechten / ohn nachthail vnd schaden seyn.

## Von Dingen vnd Appelliern.

**W** Ann auff Red vnd Gegenred ein Vrthl ergeht / vnd ainer oder der ander sich desselben beschwert gedunckt / so mag Ers / wie von Alters hero gebreuchig / für die mehrere Obbrigkeit dingen.

Vnd so ainer zu der Appellation gelassen wird / soll Er seit Appellation Schrift in den nechsten vierzehnen Tagen / nach ergangnen Vrthl / zu der Statt Sankteley erlegen / Alsdann beede Thail / ein jeder ainen Bedenecker nennen / vnd der Burgermaister ihnen ein Obmann erkiesen / in deren gegenwart beede Thail ihre Procß Schrifften miteinander Collationiern / vnd sich ihrer Strittigkeiten / die Sie in der Collationirung haben möchten / vergleichen sollen / vnd solle der Appellant schuldig seyn / sich mit seinen Procßschrifften / vnd Collationirung derselben / also zubefürdern /  
damit

damit Er nach ergangnen Vrtil / die Appellation von dem Herrn  
Bisdomb / inmassen es bishero also gehalten worden / in vier Wochen  
erledigter / oder aber in muel solcher Zeit / ainen gebrauchigen Schub /  
zum Stattgericht bringen müge.

Wer solches nit thäte / sonder hierinnen saumig wäre / dessen  
Appellation solle desert vnd gefallen seyn / auch den Appellaten,  
omb die Desertion anzuruffen / bevorstehn / vnd das ergangne Vrtil /  
darvon man Appelliert, in sein Krafft vnd Würckung kommen.

Da aber der Appellat, mit einlegung seines thails Proceß-  
Schriften / (darinnen Er auch sowol / als Appellant, den obbe-  
stimbten Termin / der vierzehnen Tag zu halten schuldig) saumig  
wäre / vnd den Appellanten dardurch vber solchen Termin verhin-  
derte / sollen Ihme zu ainem vberflus noch vierzehnen Tag / zu einleg-  
vnd Collationirung derselben Proceß-Schriften / frist gegeben  
werden / Da Er solches nit thut / so solle alsdann das ergangne  
Vrtil dem Appellaten nichts mehr fürtragen / Sonder der Appel-  
lant, nach gelegenheit des Handels / aintweder endbrochen seyn /  
oder seine Spruch gegen Ihme Appellaten behabt vnd erstanden  
haben.

Ob aber Jemand's von des Herrn Bisdombs erledigung /  
ferrer für die Hochlöbliche N: D: Regierung Appelliern wolte /  
der solle die Landsfürstliche Declaration, nach eröffnung des Herrn  
Bisdombs erledigung / in achzehnen Wochen / widerumb erledigter /  
oder aber ainen gebrauchigen Schub zu Gericht / oder Statt Ganke-  
len / vberantworten / Wer das nit thäte / desselben Appellation  
solle gleichermassen desert vnd gefallen seyn / vnd auff des Appella-  
ten anrueffen / des Herrn Bisdombs erledigung / gebürlicher Volla-  
zug beschehen.

Doch solle man auff ainen lautern Schuldbricff / oder an-  
dere gefertigte Verschreibungen / ausser sondern hohen vnd beweg-  
lichen Bedencken / niemand kain Appellation gestatten / sonder  
gegen denen Jenigen / die sich in dergleichen klaren Sachen muth-  
williger weiß / oder zum gefährlichen Aufzug / ainer Appellation  
anmassen wurden / mit gebürlicher Straff verfahren.



# Von Beschwerden.

**W** Dfer: es sich aber begab/ daß ainen auß beweglichen Vrfa-  
 chen/ sein anmassunde Appellation abgeschlagen wurde/  
 vnd derselb sich solches beschweren wolte/ soll Er solche sein Beschwer  
 in dreien Tagen/nach ergangner Erkandnuß für bringen/ oder aber  
 die Ehehafften/ warumben Er solches nit thun könne/ dem Statt-  
 Gericht anzaigen. Da aber ein Appellation, durch nit haltung  
 der ordenlichen Termin/gar gefallen/ vnd für defert erkannt wurde/  
 So solle der Appellant, wie von Alters hero gebreuchig/ vnd in be-  
 denckung/ daß die Restitution ein Landtsfürstliche Regalien  
 seynd/ vnd niemand/ als ainem regierenden Herrn vnd Landtsfürsten  
 gebüren/ sein Beschwer auff das längist in sechs Wochen/ bey Ihrer  
 Fürsil: Durchl: zc. anbringen/ Vnd da in Sachen ein Bericht be-  
 geht/ vmb Expedirung desselben bey der Sankzeley nit allein anhal-  
 ten/ sonder auch Ihrer Fürsil: Durchl: Hochlöblichen N: D: Re-  
 gierung denselben vberantworten/ vnd solches also befürdern/ damit  
 Er auff das längist in sechs Wochen/ ober solchen Bericht ein erledig-  
 ung bekomme. Wo aber deren kaines nit beschähe/ sollen die Be-  
 schwerungen/ in sondern bedencken/ daß dieselben gemainiglich nur  
 zu fürsetzlichen/ vnd vngbürlichen Aufzug/ für genommen werden/  
 nit mehr statt haben/ Doch solches auff die Restitutionen in inte-  
 grum, welche Ihr Fürsil: Durchl: auff kein Zeit/weil es ein Landts-  
 fürstliches Regal ist/ restringiren lassen wollen/ durch auß nit ver-  
 standen werden.

# Von Execution der Behebniß- sen vnd Endt Vrthl/ auch der Erledigungen vnd Landts- fürstlichen Declarationen.

**W** Ann ainer zu der Behebniß kombt/ oder sonst durch erledig-  
 ung vnd Landtsfürstliche Declaration, ein Endt Vrthl er-  
 helt/ der soll vnd mag nach denselben Rechtstag/ wann er die Beheb-

nuß erlangt / gleichßfals die Erledigung vom Herrn Bisdomb / oder Eröffnung der Landtsfürstlichen Declaration beschicht / vmb die Auffweisung anrueffen / Vnd so Ihme der Gerichts Bott / zu verrichtung der Auffweisung oder Spänung / erkennt wird / solle Er hernacher zu drey Tagen / als allwegen von vierzechen zu vierzechen Tagen / mit fürtrag Spänn / vnd Erdt / verfahren / wie von Alters hero gebreuchig gewesen / Doch vor dem dritten vnd endthafften Tag / seinem Gegenthail das Anbott zeitlichen zuschicken / damit sich der selb darnach zu richten / vnd mit der lösung der gespannten Güter gefast zu machen wisse. Da aber der Beflagte ober das Anbott / zu den dritten vnd ehenthafften fürtrag nit erscheint / noch die gespannten Güter lösete / so soll dem Klager ein gebreuchiger Schem Brieff erkennt / auch durch das Gericht / bey demselben / so weit sich sein Behebnuß erstreckt / geschützt vnd geschermbt werden.

## Von Verjährung der Behebnußen.

**S** Zeweil auch vnwonndthen fürzusehen / damit man mit den Behebnußen kein Gefahr noch Argelift gebrauche / So solle kainer kein Behebnuß ober ein Jahr lang / in seiner Gewalt behalten / sonder vor verscheinung Jahr vnd Tag / vmb die Execution anrueffen / Wo aber ainer Jahr vnd Tag verstreichen ließe / so solle die Behebnuß ab / vnd todt seyn / vnd in Rechten ferzter nit mehr darauff gericht werden. Doch / ob die Recht in ainem ganken Jahr nicht gehalten / oder außgefessen wurden / Also / daß Er in Rechten nit fürkommen hette mügen : Desgleichen / da ainer glaubwürdig künde fürbringen / daß Er auff bitt seines Gegenthails / ober die Jahrsfrist verzogen hette / so solle Ihme die Verjährung ohn schaden seyn / vnd mag sich der Behebnuß nochmalen im Rechten gebrauchen.

Gleichßfals solle den vnvergehrhabten Pupillen / auch denen Erben vnd Gerhaben / die in Jahrsfrist / nit zu ihren Briefflichen Urkunden hetten kommen mügen / dise Verjährung kein Nachthail bringen / sonder Ihnen / sich nochmalen der Behebnuß zugebrauchen / zugelassen seyn.

# Wie man Spannen solle.

**W** Ann ainem auff ein erlangte Behebnuß/ Vindumbische Erledigung/ oder Landtsfürsliche Declaration, die Auffweisung erkennt wirdet/ so mag derselb den GerichtsBotten/ auff des Beklagten ligunde Güter/ wol führen/ vnd sich vmb sein Anfordrung auffweisen lassen/ Doch solle man dem Beklagten auff sein Behausung (da Er andere ligunde vnd varunde Güeter/ vnder gemainer Statt Jurisdiction, hette/ davon der Klager seiner Anfordrung vergnüegt werden möchte) nicht greiffen. Wann aber Klager sich auff des Beklagten Wohnung/ auffweisen/ vnd die andern/ vnder gemainer Statt Jurisdiction ligunde oder varunde Güeter/ da Er andersi sein Anfordrung völlig darvon haben kündte/ bleiben liesse/ So mag Beklagter die Spannung sellen/ vnd Klager solle dieselb von newen zu führen schuldig seyn.

Ob aber Beklagter kaine andern Güeter/ als sein Behausung in gemainer Statt Jurisdiction hette/ so mag die Auffweisung darauff wol beschehen.

Da entgegen dem Beklagten bevor stehen solle/ Wann Ihme sein Behausung gespannt ist/ daß Er dieselb zu den dritten vnd endtlasten fürtrag Spann vnd Erdt/ ob Er mit baarem Gelt nit gefast wäre/ mit Silbergeschirz/ oder sonst anderer farunden Haab/ doch mit vorgehunder ordenlicher Incantierung derselben Güeter/ wol ledigen müge/ Vnd wann Er alsovil farunde Haab erlegt/ solle Ihme sein Behausung widerumb frey seyn/ vnd dem Klager der Schermbrieff auff die varunde Haab gefertigt werden. Doch solle dise Sakannemung allein auff die Jenigen/ so je mit baarem Gelt/ oder andern ligunden Güetern/ die Anfordrung zuentrichten/ vnd ihre Wohnung zu ledigen/ nit statthafft/ vnd gar nit auff die Reichen/ so wissentlich mit baarem Gelt wol zu bezahlen/ verstanden werden/ Sonder dieselben/ so es wol vermögen/ die sollen die Ableidigung mit baarem Gelt zuthun schuldig seyn.

# Von Camto Recht.

**W** Ann ainer zum Schermben kumbt/ vnd Ihme das erlangt vnd gespannt Guet nit annemblichen/ oder ein mehrers/ als

Er behabt hat/ werth wäre / so mag Er dasselbige/ nach Stattge-  
brauch/ zu drey vierzehen Tagen in Gannto außrueffen lassen.

So solche drey Kueff/ wie gemeldt/ beschehen/ solle man zu  
ausgang der sechs Wochen / vnder dem Rathhaus/ das Gannto  
Recht besitzen/ vnd das Incantierte oder erlangte Guet/ noch ein-  
mal außgeruefft/ das Recht zwo Stundt vor Nidergang der Son-  
nen angefangen / vnd bis die Sonnen nidergeht/ gefessen / Wer  
nun darüber fürkumbt/ vnd am mehristen auff das Guet legt/ solle  
eingeschrieben/ vnd darauff das Gannto Recht/ bis ober vierzehen  
Tag/ oberlegt vnd auffgehbt werden.

Wann nun solche vierzehen Tag auß seynd/ solle das Recht aber-  
mals besessen/ vnd mit dem Verueff/ wie vorgemelt/ gehalten werden/  
Vnd so niemands fürkumbt/ der mehrers/ als der vorige/ auff das  
Incantierte Guet legt/ solle es demselben/ der am mehristen da-  
rauff gebotten hat/ verbleiben/ vnd Ihme dasselb gegen barer Bezah-  
lung eingantwort/ auch auff sein begehyn/ ein gebrauchiger Gannto  
Brieff erkennt vnd gegeben werden. Da aber Jemand's fürkame/  
der ein mehrers darauff legte / solle man das Recht wit erumb auff  
vierzehen Tag verschieben/ vnd wer alsdann denselben Tag am meh-  
rsten auff das Guet gelegt hat / denselben sollte es verbleiben / vnd  
beschicht Ihme die Einantwortung desselben / auch erthailung des  
Gannto Brieff/ billich.

Eruege es sich aber zu/ daß niemands mehrers/ als sich die  
Behebnuß oder Anforderung dessen/ der das Guet anrueffen läst/  
erstrecke/ auff dasselbig Guet legen wurde/ so solle es demselben/ der  
das außrueffen hat lassen/ in krafft seines vorigen Echern Brieffs/  
verbleiben / vnd Er solle darmit/ als mit andern seinen frey eigent-  
thumblichen Güetern/ zuthun vnd zu handeln frey seyn.

Gleichermassen/ wann ainem Glaubiger vmb sein Anforde-  
rung ein ligund oder varund Guet eingeschätzt wurde/ vnd die Schä-  
tzung wäre Ihme nit annemblich/ so mag Er ebenfals vnd allerding's  
mit der Incantierung verfahren/ wie zuvor von den Echern Brieffs  
fen nach längs angezaigt worden.

So das Gannto Recht gehörter gestalt sein endtschafft er-  
raicht/ vnd das Guet nicht dem Jenigen/ der es außrueffen lassen/  
ver-

verbleibt/ sonder ein mehrers/ als sein Anforderung ist/ darauff gebotten/ vnd erlegt worden wäre/ so solle Er von dem Gelt/ welches darumb erlegt wirdet/ sein Anforderung/ auch den Vnkosten/ der ihme auffgangen/ nach gebürlicher Taxierung hindan nemmen/ Der Vberrest aber/ da ainer verbleibt/ solle dem/ dessen das Guet gewesen/ erfolgen/ vnd zugestellt werden.

## Von endthafften Edicts

Brtn.

**D** Zeweil in Edicts Handlungen/ je zu Zeiten die Execution den endthafften Brtn/ etwas lang ansehn bleiben/ vnd aber schwerlich/ daß ainer dessen/ was Ihme in endthafften Brtn zuerkennt ist/ solang entrathen mues/ sollen/ alsbald ein endthafft Brtn er geht/ alle vnd jede Güeter / darumben das Edict außgeschriben vnd gehalten worden/ durch die Verhabenen oder Vertreter/ in dreyer Monatsfrist/ auff das höchst so Sie können/ doch in allweg mit vorwissen des Gerichts/ verkaufft/ vnd zu Gelt gemacht/ oder nach verstreichung berüheter Frist/ öffentlich Incantiert, vnd von dem darauff gelösten Gelt/ ainen Jeden sein gebühr/ sovil ihme durch das endthafft Brtn zuerkennt worden/ davon entricht vnd zugestellt/ vnd hiezrinnen ainicher vngbürlicher Auffzug oder Verlängerung/ Niemand gestatt werden.

## Von Expensen.

**D** Er so zu Behebnuß kombt/ oder ein Endt Brtn erlangt/ mag sein Expens/ da dieselb durch das Gericht auß den beweglichen Vrsachen/ in deme ergangnen Brtn nit auffgehbt worden/ das nechste Recht nach der erlangten Behebnuß vnd endt Brtn/ oder zum andern Tag/ wann er Spann/ vnd Erdt fürträgt/ specificiert vnd particulariter zu Gericht einlegen/ damit man die seinem Gegenthail zuschicken/ vnd derselb mit seinen Einreden desto füglicher darauff fürkommen müge.

Vnd so man nach beeder thail Einreden/ oder auff aines Gegenthails aussenbleiben/ die Expens taxiert/ solle der Gegenthail/ wider

wider den die Expens eingelegt worden/dieselb in Stattgebreuchigen Termin der vierzehnen Tag/ schuldig seyn richtig zu machen/ vnd zu bezahlen/ Thäte er das nit/ so solle das nächste Recht nach der bescheynen Taxierung/ gegen Ihme mit der Spänung/ wie oben von Behebnußen gemeldt/ verfahren werden.

Gleichßfals solle man es mit den Expensen/ die ober Endbrech Brieff eingelegt werden/ halten.

Vnd da Jemandß ein Expens / sechtgehörter massen/ in den vorbestimbtten Termin/ nach der erlangten Behebnuß/ nit eingelegt/ oder Taxiern liesse/so ist dieselb gefallen/krafftlos vnd nichtig worden/ vnd solle darüber im Rechten nichts gehandelt werden.

**H**uen dasz auch hiemit wissentlich/ sovil Wir/ als Herz vnd Landtsfürst/ von Rechtswegen thuen sollen vnd müssen/ also vnd dergestalt: Dasz sich gedachte von Laybach/ obbe griffner Ordnung/bis auff Vnser gnädigistes Wolgefallen/ gebrauchten/ Ihnen auch darwider ainliche irung nit zugesüegt werden solle/ Mit Brkandt dises Brieffs. Geben in Vnser Statt Grätz/ den Zween vnd Zwainzigisten Tag Novemb. Anno Fünffzehnhundert Sechs vnd Achtzigisten.

Commissio Ser.<sup>mi</sup> Dñi Archiducis in Consilio.

Johann Bischofe zu Laybach  
Statthalter.

Andre Seenuß zu Freysdenberg.

Georg Veit Wagering D. Cantzler  
amptsverwalter.

Blas. Kirchmayr D.

(L. S.)